



UNIVERSITÄTS-
BIBLIOTHEK
PADERBORN

Universitätsbibliothek Paderborn

Agenda Ecclesiae Paderbornensis

Dietrich <Paderborn, Bischof>

Paderbornae, 1602

De irregularitate.

urn:nbn:de:gbv:23-drucke/s-483a-2f-helmst3

cutiatur sine tamen sanguinis effusione, non polluitur. Licet consuetudo eorum laudanda sit, qui Ecclesias hoc casu reconciliant, ad aliorum terrorem.

Per effusionem voluntariam seminis humani, si factum publicum sit, quia Ecclesia non iudicat de occultis.

Quando ibi sepelitur excommunicatus, hæreticus manifestus, vel paganus siue infidelis, qui tamen si fuerit in utero matris fidelis sepeliendæ, ut quando moritur prægnans, sepelitur cum matre tanquam pars & membrum eius, nec ob id Ecclesia polluitur.

Si in Ecclesia, vel altare, vel cæmeterium ab Episcopo publice excommunicato consecretur, vel etiam benedicatur, quia ante reconciliationem nec celebrare, nec sepelire illic licet.

DE IRREGULARITATE.

Irregularitas est impedimentum canonicum, quo quis ad Ecclesiasticos ordines promoueri, vel iam promotus in eis ministrare prohibetur.

1. **Infamia** iuris vel facti tollit executionem ordinum.
2. **Ordinatio** ab Episcopo excommunicato, scismatico, hæretico, deposito, suspenso, interdicto, secus tamen si adhuc ab Ecclesia toleretur.
3. **Executio** ordinis sacri non habiti.
4. **Si** suspensus, excommunicatus maiori excommunicatione, vel interdictus ingerit se diuinis, celebrando, vel aliquid faciendo attributum ordini fit irregularis.
5. **Si** celebrat, vel aliquem ordinis actum exsequitur in loco interdicto.
6. **Si** recipit ordines etiam minores in excommunicatione maiori.
7. **Postremo**, quomodo fiet aliquis irregularis ex mutilatione, homicidio, vel ex causa sanguinis, ut nec ordinari, nec in ordinibus susceptis ministrare possit, petendum est ex

Canonistis. Non enim multum pertinet ad laicorum confessiones audiendas, imò nec ad audiendos clericos, quia suspensi, interdicti & irregulares si peniteant à peccatis absolui possunt, manente suspensione, interdicto & irregularitate, & nihilominus dispensatione opus habent, vel Papali vel Episcopali, vel eorum, quibus Papalis vel Episcopalis auctoritas communicata est. Et post quantamcunq; pœnitentiam, si interdicti, irregulares vel suspensi à diuinis celebrarent, vel in diuinis officijs, à quibus prohibiti sunt, ministrarent, peccarent grauitè, quoties id præsumeret ante absolutionem seu dispensationem à superiore obtentam.

DISPENSATIO IN IRREGULARITATE.

Habens auctoritatem vel commissionem dispensandi ab irregularitate, dicat, Ego auctoritate Sanctissimi Domini nostri Papæ, vel auctoritate ordinaria, vel vigore priuilegij tibi concessi & mihi exhibiti tecum dispenso super irregularitate vel irregularitatibus, quam vel quas contraxisti propter talem & talem causam, vel si contraxisti (quando est dubium) in nomine Patris, & Filij, & Spiritus sancti. Quod si commissio habet certam formam insertam, absoluens eadem, & non alia uti debet.

NOTANDVM DE EPISCOPORVM POTESTATE
QVO AD CASVS RESERVATOS.

Episcopi, vt supra dictum est, in omnibus casibus occultis, etiam sedi Apostolicæ reseruatis, absoluerè possunt per se vel per Vicarios ad hoc deputatos, excepta hæresi, à qua soli per se, & non per vicarios in foro conscientie absoluerè possunt. Verba Concil. Trident. sess. 24. cap. 6. hæc sunt: Liceat Episcopis in irregularitatibus omnibus & suspensionibus ex delicto occulto prouenientibus, excepta ea quæ oritur ex homicidio voluntario, & ex certis alijs ad forum contentiosum deductis dispensare, & in quibuscunq; casibus occultis etiam Sedi Apostolicæ reseruatis, delinquentes quoscunq; sibi subditos in Diocesi sua per seiplos aut vicarium ad id specialiter deputandum in foro conscientie gra-